

## **Nowodhow an Seythen**

**04/11/08**

Warlergh ambos a bennrewloryon dasdisplegyans Kernow... pub tra a vydh gwrys may hallo bos gweythyow gwrys a-dermyn yn Sen Ostel.

Y teu an tians ma wosa onan a'n negysyow ow tasdisplegya rann a Sen Ostel dhe vos kemerys yn menystrans.

*David McClean Developments* a leveris bos kudynnow dhodho awos an crunch kresys treusvysyek.

\*\*

Lemmyn... ottomma an turbin neb a vydh dewblek hirder a goloven Nelson.

Byttagyns... sodhogyon an Edenva a grys an gwynsell ma dhe dhineythi lowr a dredan rag oll an project... ha moy dres henna.

Mes hedhys rag unn mis yw an towlennow wosa kuntellyans poblek.

\*\*

Difresyans Gorthliva Kastel Boterel a wra oberi... yn-medh Ajenteth an Kyrhynneth.

Gorfennys ens nans yw diw seythen... byttagyns yth esa nebes chiow livys y'n seythen yw passyes.

Yth esa kowes bras ha keser... ha nebes pibennow hager awel a dheuth ha bos lettys.

\*\*

Yma gwithysi nowyth yn Truru may hallo bos salow nosweythow kevywia.

An kreslu re worras marshalls y'n sita pub nos Wener ha Sadorn.

Y fedhons ena ow restra taksiow ha gwitha an kres yn-mes a glubyow ha tavernow.

I a wra obri bys yn bora.

\*\*

Alusen Hellys a dhe Pakistan.

Yma Shelterbox ow tannvon oberysi wosa dorgrys y'n seythen yw passyes.

I a grys bos dianneth pymthek mil a dus.

Yma tyldys ha daffar kegi y'n kystyow dannvenys gans ombroforyon yn Kernow.

\*\*

Sport...

Sewen fest bras o an bennseythen yw passyes dhe'gan parys rygbi Kernewek.

Kenedhlek Onan ha'n Vorladron eth war-rag yn unn fyski ha gwaynya an fit erbyn Bedford hwegh-poynt-warn-ugens dhe hwegh.

Kenedhlek Dew... ha Rysrudh a fedhas Cinderford ...unnek-poynt-ha-dew-ugens dhe dhewdhhek.

Ha Bay an Menydh a warias erbyn Blackheath ...ha gwaynya eth-poynt-warn-ugens dhe dhewwarn-ugens.

Ha kynth ens an gwella para y'n kynsa hanter... An Para Oll-Du a gollas erbyn Blaydon hwetek dhe etek.